

no. 4.

v. 36

Les Hipocondriaques  
de la Cour.

M. DC. XXIV.

177

177

*[Faint, illegible handwritten text, likely bleed-through from the reverse side of the page.]*



*Les Hypochondriaques de  
la Cour.*

**I**'Estois allé à Marseille pour faire amplete de quelques curiositez, quand par bonne fortune ie trouue vn Marchand, qui me monstra vne chose, que la rareté rendoit inestimable: & veritablement son vaisseau estoit chargé de mille gentilleesses, qui n'estoient pas seulement agreables à la veüe; mais aussy rendoient celuy qui les achetoit sçauant & experimenté, entre autres choses l'on voyoit dans de petites phioles de l'eau de la fontaine ou les langes de nostre Dieu furent laues par nostre Dame, & ceste eau rendoit aux femmes leur mal d'efant plus supportable, & moins dangereux: l'en pris comme d'une chose necessaire, croyant qu'elle seroit estimee, i'y vis aussi de la pierre

où nostre Seigneur s'estant assis disputoit contre les Docteurs de l'ancienne Loy, & celle-cy guarissoit des fiebures, des migreines, & d'autres sortes de maladies : mais entr'autre ie pris de l'eau de la piscine, où le Lèpreux, qui receust depuis sa guerison de nostre Dieu, se laua; & ceste eau auoit vne force excellente : car celuy qui au sortir du liét s'en frottoit la prunelle des yeux se sentoît illuminé; mais non pas comme ceux qui disparoissent, & par vne lumiere extraordinaire pouuoit bien visiter les consciences les plus cachees, & descouurant les maladies des hommes, les sçauoit mesme discerner, cognoissant si ils estoient fols, enragez, ou si sans manie ils auoient seulement perdu la raison, si s'estoient Hipochondriques; bref donnoit cognoissance du mal. Et come i'estois en doute si ie deuois croire ce Charlatan, il m'en offrit l'experience en sorte que m'ayât donné assinatiõ, ie le trouue à

5  
sept heures au liēt, ie l'esueille, &  
s'estant froté de son eau nous sor-  
tons du logis & nous promenans sur  
le port, il ny fust pas beaucoup de  
temps qu'ayant enuifagé le pauvre  
Monsieur le General des galeres, il  
m'asseura qu'il estoit hypocondria-  
que, & que s'imaginant estre beau-  
coup puissant, il croyoit faire la ni-  
que au Duc de Guize sans courre la  
risque des galeres, bien qu'il doiue  
pour son hōneur en ceder la charge  
à gēs qui sont plus capables, moins  
yurogues, & plus resolus que luy, de  
forte que fort cōtent de mon achat  
en ayant veu l'expérience, ie le fis  
porter sur vne charrette, esperant  
d'y faire vn grand gain, & estant ar-  
riué à Paris, ie fis sçauoir à vn de mes  
voisins l'excellence de mes dro-  
gues, laquelle il n'eust pas si tost  
appris de moy, que m'ayant prié d'en  
faire l'essay, nous nous en allasmes  
le lendemain au Louure, où apres  
auoir entré dans la sale; car il n'est  
pas difficile comme nous voulions



passer plus auant pour entrer en la chambre du Roy, le portier nous arresta, auquel il fallust bien presenter vne pistolle; mais mon compaignon qui l'a deuoit desbourser s'en fascha, en sorte que tout coléré il dict vertu-Dieu nous n'en donnons pas tant pour baiser Madame sainte Barbe en nostre Paroisse, encore l'on nous donne vn bon morceau de Pain-beny : enfin nous y entraſmes & viſmes comme l'on donnoit la chemise au Roy, nous nous mismes en vn coing soigneux d'esuiter les querelles, comme le Norman Blainuille, d'où n'osant remuer de peur d'estre mocquez ou chassez, nous estions plus hipocondriaques que le pauvre Cardinal de la Roche-foucault, qui disant son Breuiare faiſt arrester son carrosse au milieu de la rue, quand il vient aux *Oremus*, croyant que Dieu ne peust entendre son Oraison dans le mouuement & le bruiſt, où ayant perdu la crainte & l'apprehension

7  
que i'auois que l'õ ne nous chassast  
comme truans, ie commencé à voir  
Monsieur de Monbafon ce grand  
personnage habillé à l'aduantage,  
cantonné dans vn coing avec sept  
ou huit cordons bleus, où racontât  
les seruices qu'il auoit rendu au  
Roy, il se vantoit fort de ce que par  
sa sagesse il auoit pacifié le tumulte  
qui s'estoit esleué au bruslement  
des ponts de bois: mais pensant cra-  
cher il hânissoit comme vn cheual:  
ce qui luy estant arriué plusieurs  
fois me donna premierement du  
soupçon: mais le considerant plus  
attentiuellement ie vis qu'en ses de-  
marches, il contrefaisoit le cheual,  
tantost allant à courbette, tantost  
tournât tout court à droit & à gau-  
che; mais retenant à moy ie vis biẽ  
que ceste masse estant grande outre  
mesure deuoit estre vne beste plus  
grosse qu'un homme, de sorte que  
voulant appliquer ma science à la  
recherche de la cause de ceste ma-  
ladie, ie vis qu'il estoit hipocondria-

que, & que s'estoit par foiblesse  
d'esprit, que l'imagination d'estre  
cheual auoit troublé sa raison, puis  
ayant apperceu le Roy des Bour-  
geois ie le vis en posture, comme  
s'il tenoit vne picque à la main,  
pour deffendre son octo, & comme  
si les ennemis estoient deuant luy,  
ils s'efforçoit de la branler d'avan-  
tage, & appelloit le Prince de Bre-  
tagne, Blainuille & Courtenault:  
mais ayans peur que parmy ces ex-  
trauagances, il nous en donnast par  
le derriere nous nous jettasme dás  
la garderobe, où estant nous vismes  
le Mareschal de Crequy, qui iouoit  
avec Bassompierre, Chalais & Al-  
meras, & quelques autres fort gros  
jeu, & voyant tant de pistoles, nous  
nous arrestasmes pour en auoir le  
plaisir: mais ie ny fus pas guiere de  
temps que ie vis qu'ils estoient de  
nos malades, car Crequy croist estre  
sainct Pierre, car il renioit à tout  
heure nostre Seigneur, mais ie  
n'en espere pas la penitence du  
sainct;



Sainct: car il iure que s'il descendoit qu'il se battroit contre luy. Mais comme ce mesme accez ne le tient point tousiours, il se trouue chez la Presidente Aubry, ou croyant estre son Ange gardien, il se couche aupres d'elle, pendant que le mary va au Palais: mais il ne gagne pas tant par son bel esprit que sa femme par son cul. Pour Bassompierre il s'imagine de voir vn Coucou qui le regarde sur l'espaule de ceux qui sont mariez, dõt il a si grande apprehension, que la pauvre Antargue voyant son mary si consciencieux, est contrainct de faire visiter ses coquilles à d'autres. I'y vis aussi la Vieilleille pronostiquant son mal-heur, qui resuant sur ce qu'il deuoit deuenir, croyant estre encore Iesuite, prenant son chapeau par en haut, comme s'il prenoit les cornes d'un bonnet, mais qu'il fouille vn peu plus bas à sa teste, & là y estàs demeuré quelque peu, ie vis y entrer le Duc de

la Valette, qui croit fermement que les cornes luy viennent, & fâché, donne ordre que l'on ne les voye pas : car il l'abaisse ses cheveux, enfonce son chapeau, bref est tousiours apres ses cornes. Sainct Luc entra consecutiuelement apres, qui n'y fust pas plustost, qu'il prend vn miroir, & le m'est à terre : car il a peur que la dantelle de sa jartiere passe celle qui est en l'autre jambe, visite les roses de ses souliers, & ne peut souffrir sur ses mules de velours noir pas vne tache de bouë, puis chaussant, se mire dedans; void si sa barbe va bien en pointe, consulte si son poin couppé est bien tiré; en fin il est tousiours en action, esuitant le blasphemé de mal propre. Puis en estant sorty i'entray en la sale, ou ie vis le Marechal de Viëtry, qui depuis la mort du Marquis d'Ancre, est si fort tourmenté de ses ombres, qu'il est cōtrainct de parer souuēt aux coups que l'ōbre du Marquis luy dōne, de sorte qu'il

troublé, vn visage pallissant, la veuë  
 esgarée , il est dans des perpetuel-  
 les apprehensions , craignant au-  
 tant les Conseils de la Royne que  
 l'ombre , & croit-on fermement  
 que s'il est sage, il gagnera sa mai-  
 son , auant que la pluye & l'orage  
 ne le surprignent, de peur que les  
 Deitez qui president à ce Royau-  
 me ne luy suscitent vne tempeste,  
 telle que souffrist *Ænee* à la reques-  
 te que *Iunon* fist à *Æole* . Je vis  
 aussi passer le Duc d'Angoulesme,  
 qui depuis qu'il a fait tirer son Ho-  
 roscope , curieux de sçauoir le  
 temps auquel il deuroit mourir,  
 tousiours est effrayé, & dōne à tout  
 heure au diable la Bastille , & ne  
 parle d'autre chose que de son in-  
 nocence, & du peu d'occasion que  
 le Roy aura de luy faire mettre, que  
 les seruices qu'il a rendu à ces Ma-  
 jestez sont assez grands pour con-  
 tre-balancer les faussetez que ses  
 ennemis luy mettent sus, contant  
 entre les années qu'il a rendu du

seruice au Roy, celles qu'il a employé à la garde de la Bastille, où il fust si assidu, qu'il y a demeuré 15. ans, sans en bouger, & vantant le profit de son voyage à la deffaicte du secours qui entroit dans Montauban, (où le pauvre de Vic, par faute de sçauoir l'art militaire, pensa perdre la teste) disoit que sans luy les gens du Roy eussent esté deffaicts, encore que pour le peu de diligence qu'il fist pour y arriuer, il n'y suruint que quand on les chassoit desia, puis ie vis le Comte de Chombert reuenue de Xainctonge, qui ne discourant que de son combat, porte desormais vn esclarcissement accompagné de sept ou huict Gentils-hommes, pour dire qui en voudra ie luy en feray taster quand ie serois le plus fort : mais tout incontinent entra monsieur le Duc de Neuers, qui a besoing de brenicles, depuis que le Cardinal de Guyse luy pocha les yeux à coups de poings, & dit-on qu'il at-



tend le chapeau de Cardinal qu'il prend avec la charité, esperant la Papauté, & comme si defia il l'estoit il distribué à ses Cheualiers les chapeaux de Cardinal : mais à la charge que par leur espee, il le feront passer à l'Offrãde premier que monsieur de Nemours : mais il ne void pas que les Croix pronostiquent le Semetiere, puis le petit monsieur de Longueuille monta dans la sale, ayant dessein de voir le Roy disner, faisant le Poupin, le gentil, le targuent de contenance amoureuse, croist veritablement veu la bonne mine qu'il a à obtenir la courtoisie de celles qu'il recherchera, & pour le moins auoir des bastards : car il en iette la faute sur sa femme, mais la pauvreté, elle sçait bien le sujet de ses plaintes, & iureray bien sur ma foy, que si son vit est proportionné à son corps, qu'il n'en n'a pas suffisamment pour cheuaucher vne chatte. Pour le Duc de Cheureuse, il croid auoir banny de son ma-



riage le coucou : mais qu'il y prenne garde , car Madame sa femme croit estre seulement tenuë de l'aduerter de ses enuies la nuit. Mais pour le Comte de S. Pol il est en creance que le Duc d'Elbœuf , ou le Comte d'Arcour son frere , ne sont pas assez de bõne maison pour luy : car il ne s'est point offert pour second au petit monsieur de Longueuille, quand ils en ont disputé la preference. Pour le Comte de Soissons il est trop ieune pour estre malade si tost, ou si il est de nos Hypochondriaques, ie coniecture à sa phisionomie qu'il est des malades du Duc de Vendosme, qui n'aymât pas trop sa femme, parce qu'elle est trop layde à tousiours les armes au poing, afin que par l'exercice de la picque il serue mieux vn autrefois le Roy, Soldat à pied qui ne fist au Pont de Scee à cheual la Royne Mere qu'vn mescontement auoit faict choisir contre son Prince, & dict-on que la cause d'un suc

ceds si desaduantageux à son honneur, est qu'il a trop d'esprit pour se faire tuer. Je vis aussi le Duc de Guyse, qui pour vn tēps demeurāt collé cōtre vne muraille, à refuer, il semist à crier aux Matelots, au Pilo- de sa Nauire, tantost commendant que l'on dressast la gueule des Canons de se costé pour enfonser le vaisseau qui le venoit attaquer, & aussi-tost que l'on esteigneist le feu qui desia s'emparoit de la nauire, comme s'il eust encore dōné la bataille aux Huguenots, pour Chalais il s'enfonce fort au jeu, croyant y gagner la charge Dalmeras, mais vous verrez qu'il en ira comme de monsieur de Monts, qui voulant prendre Montauban, y fust pris & que pensant gagner la charge Dalmeras, il y perde la sienne. Pour Courtenvault, il croist auoir faict vne grande fortune, quand il a eu la charge du pauvre Marquis d'Humiere; mais il la perdu & croit-on

que le Roy luy oſtera ſes Pages de ſa Chambre: car il n'en veut que de tres-beaux, & les ayme autant que ſa femme, qui n'a pas ce don de Dieu pour le Secretaire, l'Home-  
 nie conſiderant qu'apporter vn ordre de Cheualier, il ſe fera eſtimer plus grand qu'il n'eſt de naiſſance, il croit dans la preſomption qu'il a que ceux qui le voyent, pourueu qu'ils ne ſoiēt pas Lymofins le croiront Seigneur, ou pour le moins gentils-hommes, ce qu'il n'eſt pas encore pour le Marquis de Choify il croit ſa maiſon eſtre ſanctifiée, ſ'il y peult entretenir vn Religieux Capucin: mais il l'a faiēt enleuer, le mettant entre quatre murailles, bien qu'il ſoit ſon frere. Pour le Conneſtable il s'en eſt allē en Dauphinē, croyant de là s'en aller au diable: car les Huguenots y vōt de là en ſix iours, & l'inceſte auquel il a cōſenty luy en fraye le chemin. Pour Branche, il croiſt eſtre exempt du cocuage, & en fait de reſioüiſſance,

sance ; car qui prendroit enuie sur sa femme : mais il ne sçait pas qu'elle en peust auoir aussi de son costé. Pour le Duc de Vantadour, il croit que demeurant esloigné de la Cour en sa maison, il cachera son capuchon, mais il ne le voit pas, & tort le monde le voit ; car il l'a pris icy, & à balayé souuent l'Eglise : mais il n'en doit pas auoir le tout, car ceste extrauagance est fatale à leur maison, comme tesmoignent le pere & le grand pere & par delà, qui tous l'ont esté pour le Duc Dalbœuf, estant de la race des songes-creux, il ne peust pas dedire si bonne compagnie, & croist véritablemēt estre fort liberal, quoy qu'il soit des œconomes du Roy : le premier President : Monsieur de Verdun, quoy que difforme, & ne marche iamais sans grimaces, & sans tourner la bouche : toutesfois il n'espere pas moins que les plus belles filles, comme la Bouchanane ; mais elles ne veulent pas de luy, sinon pour



luy faire porter les cornes, & ne croist point mourir qu'il n'aye la Chancellerie : mais Aligre n'en quitte pas sa part. Pour Madame de Montpensier, elle s'approcheroit volontiers de la Royauté, & ie ie le croy ; car elle se contenteroit bien de Monsieur ; mais Monsieur ny borneroit pas ses appetits, quoy que tres-belle, & verroit-on de nouveau les reignes des Satyres cornards, quoy que les commandements de l'Eglise bannisse de nos esprits ceste croyance. Pour la Cōtesse d'Alez croit qu'il est deu à son mary pour en tesmoigner l'affectiō, dont elle a chery son liēt & les regrets qu'elle a d'estre priuee de son Comte, que imitant nos anciens Gaulois, elle meure, non vne fois ; mais souuent : c'est pourquoy elle se faiēt percer, voulant mourir d'une mort plus douce ; mais la Chazeron est bien si plaifante, que de croire qu'elle ne fait point tort à son honneur, car elle dict haut & clair, que



son mary est Casuiste & Iurifcon-  
sulte pour discerner s'il y a du mal,  
& que s'il y en auoit qu'il s'en plain-  
droit; mais qu'il n'en parle pas seu-  
lement. Pour la Remboüillet tou-  
te vieille qu'elle est & ridee, ne sort  
iamais qu'elle n'aye trois ou quatre  
mouches sur le nés, s'imagināt auoir  
le teint assez blanc pour passer  
pour belle. Puis ie vis Madame des  
Essars, qui bonne Catholique n'ay-  
me que les croizes, tesmoing le Car-  
dinal de Guise, & maintenant l' Ab-  
bé du Bec, demeurāt dans la croyā-  
ce d'estre femme de bien, & com-  
me si elle n'entendoit pas ce que  
c'est que d'estre putain, en deman-  
der l'interpretation à la Sablé, & à  
Chasteauroux, de quoy s'offençāts,  
elles s'appellerent toutes trois pu-  
tains; mais ie ne les ozay iamais de-  
mentir. Pour l'Archeuesque de  
Tours souuent il parle au Roy en  
son iargon, & cōme s'il parloit à ses  
basques, il le regarde par dessus les  
espaules, luy continuant son dis-

cours & de son mesnage. Pour le Cardinal de Sourdis il croit que, quoy qu'il puisse faire, & que la fortune luy procure la disgrâce de son maistre, que neantmoins il sera chef du Conseil. Pour le Cardinal de la Valette, il veut bien que l'on croye qu'il fait bien sa Cour à Rome, quoy qu'un de ses ancestre moins Religieux & raisonnable que luy, donna vn soufflet à Boniface Pape. Pour nostre Archeuesque, il pense que dans le peu de gresse, dont ses iouës n'enflent pas, & dans les grimacës qu'il faict en donnant sa benediction estre creu amandé, & de pecheur deuenü penitent, quoy que depuis il aye esté voir la Dantrague & Bassompierre estimant que pour la quantité des pechez qu'il a faict qu'il doit s'il veust se remettre au chemin de vertu, & faire quelque acte de charité de sorte, que comme Constantin a donné sa ville aux Papes, il a laissé sa maison & son liët à l'Eglise pour l'Euesque Dalby, li-

sant fouuent le liure des Roys, il a  
 veu que Dieu promest à ses serui-  
 teurs vne heureuse famille, il croit  
 qu'en estant veu le tiltre qu'il en a,  
 que conserant du sié à la nourriture  
 des garces ce qu'il y peut fournir,  
 Dieu ne l'oubliera pas pour l'Eues-  
 que de Sarlac, il croist que pour gai-  
 gner le Paradis s'atentasse vias sous  
 le capuchon du Feuillât, ayant gai-  
 gné à pied les pardons à Rome, où  
 il se seruit du priuilege des Nor-  
 mants. Pour l'Euesque de Cozerás,  
 il ne croist pas auoir rien perdu au  
 change de sa cellule en vne mitre.  
 Pour l'Euesque de Malezay tous-  
 iours beau & gentil, croist faire hō-  
 neur à l'Eglise s'il paroist en gros  
 train; mais ce n'est pas l'intentiō du  
 fondateur. Pour le Cardinal de Gui-  
 ze, il estoit de nos malades, aussi à ce  
 que l'on m'a conté: car il croyoit a-  
 uoir rendu d'assez grands seruices  
 à nostre Eglise, ayant laissé trois en-  
 fans à son seruice. Pour ce petit pe-  
 re Seiguieran, il croist assez satisfai-

re à ses Supérieurs s'il presche pour  
la marmite, quoy qu'il introduise  
dans la predication des grimaces &  
des exclamatiōs de Turlupin. Pour  
Monsieur de saint Germain & de  
Cam. sont bestes voüees en sacri-  
fice à Dieu, & de crainte de ne jet-  
ter sur le reste de la confusion, ie  
desdie les miennes, & le prie d'en  
auoir pitié, leur donnant son Para-  
dis: car il l'a promis aux fols.

F I N.













